

諸世間善說斯事時無量稱語作愛言汝於
未來當如是說彼無量稱貪無厭故自取命
終乃至是故大王諸根如幻境界如夢當自
安意勿生信順身如陽燄自性無有色受想
行自性不實亦復如是

會五

大乘集菩薩學論卷第十八

會六

大乘集菩薩學論卷第十九

自性清淨品第十四之餘

論曰此說依世俗勝義建立諸法當如是知
若時世尊以一切智觀察世間現證了知依
世俗說則有六趣若天若人及阿蘇囉地獄
餓鬼傍生上下種族受報貧富衰盛苦樂及
以毀譽色無色等種種相生若時如來出現
世間諸衆生等於善逝所發生淨信樂勝義
說是時如來爲利衆生如證而說諸法之實
無有造作無有分別無有知覺無有顯示亦
無言說如是諸法一切皆空若如是者云何

世尊復說受記無上正等菩提於此法中以
何爲色復何名爲受想行識而能記別無上
正等菩提由是了知色本無故則菩提無生
乃至識本無故亦同是說於諸法中皆無所
得何名爲佛何名菩提何名菩薩何名受記
若色色空乃至若識識空但依世俗剎那建

立如是言說但名想耳智者於此勿生嗔惱
如世尊說諸法實際畢竟無盡彼樂變化天
不解深義執我爲有亦無障碍世尊復說諸
法菩提自性離故若能覺了即是親近無量
菩提所以者何若離菩提則無涅槃若無涅
槃樂欲則無輪回可怖世尊如樂變化天所
執有我不可得故况復實際而可得耶時娑
婆界主聞佛說已即生領解說伽陀曰
如人夢中飢所逼 縱食百味飽何有
了斯夢相本來空 諸法自性亦如是
如人善說諸言論 聞已咸生於愛樂
若言若愛二皆無 是中不復生疑惑

譬如琴瑟發妙音
了知蘊愛亦同然
譬如商珂大音響
彼聲自性本來空
譬如上味諸餽膳
如是身味本來無

彼聲自性無所有
妙慧推之不可得
聞已尋求何所生
則了大仙一切法
食已資身使充實
則了大仙一切法

譬如天帝現寶幢
了知是相本來空
譬如有人分地界
亦若身城自性空
譬如集會人擊鼓
彼聲自性本來空

諸天成觀生愛樂
則了大仙一切法
強名城邑本來無
則了大仙一切法
衆共聞已生忻悅
則了大仙一切法

又如擊鼓藉緣生
尋求是相何所來
復如擊鼓出洪音
如是分別本來無
論曰此復明前義謂眼等諸法自性無有若
諸法無有則無成辦若無成辦則無生滅乃

若無濕潤聲彌震
則了大仙一切法
彼無思慮及呼召
則了大仙一切法

至眼根所緣三相愛非愛等皆不可得無有
言說亦無表示譬如空拳舉示小兒但誑於
彼都無有實至於名量亦不可得此勝義空
決定無有如人夢中為彼大仙現威猛相而
斷其首智者覺已了知一切皆自識現由是
解脫如大樹緊那羅王問世尊言若所說法
悉皆是空云何世尊與我受記我亦不知自
住樓閣不增不減亦不散壞受用無盡是相
云何佛言如當了知彼一切法自性清淨法
界本空猶如鏡中現其影像如造車輪聚集
而顯我說作業自性亦尔又如林樹由風所
吹兩相摩擊而發於火如是思惟火何所得

我說作業亦復如是如說有人壽滿百歲應
知無有積聚年歲而可見也又如法集經說
眼之與色本無有諍如是耳聲乃至意法亦
無有諍云何眼色無有所諍以二和合不相
違故乃至意法二相和合亦復如是若不和
合則有所諍世尊法無有二是故不諍諸法

會六

二

會六

三

無二各不相知由不相知則無分別若離分別則無生滅無有增減不生愛樂亦無厭患不住輪回不著涅槃世尊若於諸法不樂不厭應知則無染淨等相世尊若言如是我知如是我覺皆是虛妄之所分別世尊若復於此眼等諸法善了知已不作是念我能分別

當知是人與物諍則能隨順沙門道行爲見法者爲見佛者爲見衆生者爲見空性者世尊見無所見是名諸法無見彼經又云無所發菩薩問曰如如空者於法何說佛言彼如如空不生不滅若如是者諸法皆空時無所發菩薩言如是如是是故世尊說一切法

皆無生滅世尊何故復說有爲諸法悉皆生滅若如是者則佛之塔廟決定生滅善男子如來大悲爲除世間衆生驚怖隨順宣說生滅之法是中無有少法可得況生滅耶如般若經云具壽須菩提無生法者何名無須菩提言舍利子生無所生是無生法

論曰此明積集清淨福行而成菩提以清淨慈緣於有情善觀察已無衆生相若復供養十方善逝彼二足尊已離垢染亦不可見應當供養苦惱衆生是調御師之所教勅人中上供而以施之以大悲心拔除衆苦獲安隱樂發生淨慧斷除煩惱於此正理善了知已

當離疑惑如是供養果不難得了佛正教如教觀身念八聖道斷諸癡染當捨己身承事諸佛不希世間諸天妙樂修奢摩他毗鉢舍那若寂遍寂爲出苦道

云何建立世俗諸法謂於虛妄處和合相應凡夫迷倒謂爲子想依止成就說勝義空處則無是相以一切法本無生故如無垢稱經說文殊師利問維摩詰曰虛妄分別以何爲本曰顛倒想爲本又曰顛倒想孰爲本曰無住爲本又問無住孰爲本曰無住則無本文殊師利從無住本則能建立一切諸法又般若經云應當捨家安住勇猛斷除煩惱心淨

會六

四

平等修習般若波羅蜜多又法集經云善解空者心不依止世間所有利衰稱譏忻感毀譽於諸苦惱不生厭患於諸快樂不生愛着不為世法之所破壞善解空者則了空性無有少法而生取捨若無取捨則無貪厭此則名為善見空者善知空者於一切法無有執

着若無執着則於諸法無有所諍

論曰此明利那心得清淨謂由我慢輕捨衆生了知我見本來無有彼若一心專注能斷是人速疾心得清淨如是觀察於一切處諸衆生所常樂尊重離於攀緣及所分別自他平等何有相違如是行學斯不為難譬若如

意摩尼寶珠人所愛樂非能自貴是故於他當生尊重謂由顛倒分別執着於有情邊而生慳恡或生毀訾皆由我慢之所纏縛以是緣故多生讚毀增長熱惱如阿鼻燃是聲無心讚讚何有此妄慧起彼適悅生何於他言而生於愛他喜若生非我有故常樂平等自

取安靜解分別縛離讚毀相如是了知都無果利又於財利多生喜惱慣習慳嫉機巧希求順違二種俱獲重罪隨順正理當起對治摧我慢峯心速清淨離語言過專樂寂嘿唯除教誨相續顯示了諸妄法無有堅實生苦之本不得久住

會六

正命受用品第十五

復次長者若在家菩薩當樂正命平等受用遠離非法邪活命等如寶雲經說云何菩薩於施者所不以身業假現威儀若舉足時不詐徐步若下足時不作瞻視現思惟相云何菩薩語不矯詐不為利養而現細語柔軟語

愛語隨順語云何菩薩心不諂曲不為利養語現少欲心廣貪求內懷熱惱云何菩薩善能捨離為利養故而現異相若見施者終不自言我乏衣服卧具飲食病緣醫藥願垂惠施云何菩薩善能捨離為利養故虛言鼓動若見施者不作詐言某甲施主持如是物而

施於我我以某物而報彼恩又言以我少欲持戒多聞故施我起悲心而攝受之乃至身行惡者爲利養故奔走往來而破禁戒若見餘人同梵行者所得利養興心損壞是名菩薩離於險惡而求利養云何捨離非法利養謂此菩薩不以斗秤而行欺誑他所委信不

生侵損云何捨離不淨利養謂此菩薩於宰堵波若法若僧所有之物不作享用若有所得亦不肯受云何捨離耽著利養謂此菩薩所得之物不攝於己不自銜富亦不積聚隨時而施沙門梵志婆羅門等或施父母親眷朋屬或自受用若受用時不生染著若時菩薩不獲利養心不生苦亦無熱惱或復施者

無有所施菩薩於彼不生嗔心又無盡意經說無有衆生不堪受施如其所許持用施之有來乞者不起惱施不爲他人逼迫而施無勞倦施無異相施無輕易施無背面施無棄擲施無不敬施無分別施無不自手施無不

依時施無不平等施無惱衆生施又如最上授所問經云菩薩行布施波羅蜜多時若有人求乞所須物當依我作而給與之若樂酒者使生正念即與具飲後復令斷如是菩薩清淨方便攝受衆生若其內心愛樂不捨菩薩即爲種種呵毀酒之過失如利刀劍決定

遠離不令相續如是施者則無過咎

論曰此說施行清淨漸令趣入如餘經中廣明制斷如虛空藏經云所謂我清淨施我所清淨施因清淨施見清淨施相清淨施種種性清淨施刹那果報清淨施心等如空清淨施乃至譬如虛空無有邊際菩薩行施亦復

如是譬如虛空寬廣無礙菩薩行施廣大回向亦復如是譬如虛空無有色相菩薩如是離色行施亦復如是譬如虛空無想無作無表無相菩薩行施亦復如是譬如虛空遍諸佛刹菩薩大慈緣諸有情廣大行施亦復如是譬如虛空含容一切菩薩行施攝諸有情

亦復如是乃至如變化人施變化者無有受用亦無分別意達諸法無所希求離我穢自性清淨以勝智慧斷諸煩惱以方便智不捨有情是為菩薩修行布施波羅蜜多猶若虛空

大乘集菩薩學論卷第十九

會真

大乘集菩薩學論卷第二十

會七

要覽三藏觀矣談論勝覺於天鷲紫竹曾稱筆筆認輝

正命受用品第十五之餘

論曰此復明尸羅清淨如虛空藏經云遠離聲聞辟支佛心於菩提心不生退轉則於尸羅而得清淨善男子譬如虛空體性清淨善

薩持戒清淨亦爾虛空無垢菩薩持戒無垢亦爾虛空寂靜菩薩持戒寂靜亦爾虛空無壞菩薩持戒無壞亦爾又如虛空無能過勝菩薩持戒於有情中無有勝者又如虛空清淨平等菩薩行忍於諸有情平等和合清淨亦爾譬如有人手持利斧入娑羅林斷其枝

葉當知彼樹無有嗔恚不生分別誰能斷者亦不分別誰所斷者菩薩行忍亦復如是是為菩薩最上忍辱猶如虛空又寶髻經說身精進清淨謂若此身猶如影響所有言說自性無記了知是心畢竟空寂當以大悲被慈甲曾具足諸行深修禪定於功德法無令缺

減以菩提心觀諸眾生無有缺減樂行布施乃至方便無有缺減於慈悲喜捨深心相應無有缺減於布施愛語利行同事無有缺減於正念知無有缺減於念處正勤神足根力覺支聖道無有缺減乃至於奢摩他毗鉢舍那無有缺減捨業煩惱自性無知修檢其身

無令縱逸常勤佛事成熟有情咸得清涼安住寂靜善男子是名菩薩修禪波羅蜜多行清淨如是乃至智慧波羅蜜多當如是知增長勝力品第十六
論曰此明三種增長勝力謂於所行行常無厭足所度眾生不生懈退求佛妙智堅固勇